

(სსმ 07.08.2006 N 104 მუხ. 1414)

რეგისტრირებულია  
საქართველოს იუსტიციის  
სამინისტროში  
სარეგისტრაციო კოდი  
340.050.000.22.032.009.054

**საქართველოს სოფლის მეურნეობის მინისტრის  
ბრძანება N 2-149  
2006 წლის 7 აგვისტო ქ. თბილისი**

**საქართველოს სოფლის მეურნეობისა და სურსათის მინისტრის  
2003 წლის 6 მარტის N 2-51 ბრძანებით დამტკიცებულ "ყურძნის  
ღვინოების წარმოების ზოგადი წესებისა და რეგლამენტების  
შესახებ" დებულებაში" დამატებების შეტანის თაობაზე**

საქართველოს სოფლის მეურნეობისა და სურსათის მინისტრის 2003 წლის 6 მარტის N 2-51 ბრძანებით დამტკიცებულ "ყურძნის ღვინოების წარმოების ზოგადი წესებისა და რეგლამენტების შესახებ" დებულებაში" შეტანილ იქნეს შემდეგი დამატებები:

1. მე-2 მუხლს დაემატოს შემდეგი შინაარსის მე-3 და მე-4 პუნქტები:

"3. აკრძალულია:

ა) წყლის დამატება "ვაზისა და ღვინის შესახებ" საქართველოს კანონის მე-3 მუხლში ჩამოთვლილ ყურძნისეულ პროდუქციაზე გარდა სპირტიანი სასმელებისა;

ბ) სუფრის, მხარის, ადგილწარმოშობის დასახელების, ცქრიალა და შუშხუნა ღვინოებისათვის ეთილის რექტიფიცირებული ან სხვა სპირტის დამატება, გარდა ცქრიალა და შუშხუნა ღვინოებისათვის განკუთვნილ ლიქიორებში შემავალი ბრენდის სპირტისა;

გ) ღვინოში (გარდა არომატიზებული ღვინისა) ან ბრენდში მღებავი და არომატიზებული ნივთიერებებისა და ესენციების დამატება;

დ) ღვინის წარმოების ნებისმიერ ეტაპზე საქარომას დამატება დადუღებისათვის ან მასში შაქრების მასური წილის კონდიციამდე მიყვანის მიზნით, გარდა ცქრიალა და შუშხუნა ღვინოებისათვის განკუთვნილი ლიქიორისა და კუპაჟისათვის საჭირო შაქრის სიროფისა, აგრეთვე სპირტიანი სასმელებისა;

ე) ღვინის ბრენდის დავარგებული სპირტების გარდა სხვა სპირტების გამოყენება ბრენდის დასამზადებლად;

ვ) შაქრის სიროფის (საქარომა) ხსნარის, გლიცერინის, სპირტის, მღებავი ნივთიერებების, მჟავების, ესენციებისა და/ან სხვა ნივთიერებების კუპაჟირების გზით ხელოვნური ღვინის წარმოება;

ზ) ღვინოპროდუქციაში იმ ნივთიერებების დამატება, რომლებიც არ არის გათვალისწინებული "ვაზისა და ღვინის შესახებ" საქართველოს კანონის მე-15 მუხლის მე-2 პუნქტით;

4. ღვინო ამ წესების დარღვევით წარმოებულად ჩაითვლება, თუ მასში:

ა) უშაქრო (დაყვანილი) ექსტრაქტი 15გ/ლ-ზე ნაკლებია;

- ბ) აქროლადი მჟავები 0,12 გ/ლ-ზე ნაკლებია;
  - გ) შეიცავს ხელოვნურ საღებავს;
  - დ) ჰიბრიდული დანამატი (მალვიდინდიგლუკოზიდი) 15 მგ/ლ-ზე მეტია;
  - ე) დიეთილენგლიკოლი 10 მგ/ლ-ზე მეტია;
  - ვ) ციკლური დიგლიცერინები 0,2 მგ/ლ-ზე მეტია;
  - ზ) საქაროზა 6 გ/ლ-ზე მეტია;
  - თ) ორგანული მჟავების სპექტრის ქრომატოგრამა არ არის ტიპური ღვინისათვის;
  - ი) ღვინის მჟავის, ვაშლმჟავისა და რძემჟავის ჯამური ოდენობა 2 გ/ლ-ზე ნაკლებია".
2. ბრძანების შესრულებაზე კონტროლი განახორციელოს მინისტრის პირველმა მოადგილემ ლილი ბეგიაშვილმა.
3. ეს ბრძანება ძალაშია გამოქვეყნებისთანავე

**მ. სვიმონიშვილი**